

榆园丛刻

榆

園

丛

刻

笙尹詞田卷

同治壬申十月
杭州開雕

時則顥穹激鮮涼波蕩涵明月千里倡婦樓頭離笛三
秋西風江上王子於是悅縹渺之魂發徘徊之曲美人
獨立參差誰思鶴骨不肥如龔子晉銀河無景疇箋玉
谿水調百篇笙月一卷抑何玲瓏其聲激昂善變與夫
采詩入樂無詔伶人按譜填詞豈云小技子夜讀曲之
變勞人思婦之遺致兼情文雅備比興世有作者前無
古人庶尙友夫風騷乃吐音於令慢溺志閨幃之內應
求尊俎之間刻畫微物以夸多雕琢曼辭以取悅閎達
大雅蓋無取焉王子之詞儲體於絜結想斯遠文外獨
絕子懷信芳可謂古瑟未拌洞簫作謚者也僕攤鼻洛

下之吟隱几玉臺之集深情祇有一往抽豪不知誰屬
竊託同調敢曰知音隴首雲飛洞庭葉下秋心杳然秋
士悲矣壬申九月杭州譚獻謨

古人思君之詩多矣其言君者皆指其君而言其
變從人思君之詩多矣其言君者皆指其君而言其
宋詩人懷無所歸人對其君之思不亦其于外亂曲之
徵水關百端望月一舒以同命歸其君者漢唐變興大
而立參差謂思歸骨不咽收爲千古詩以無景觀矣
西風王士玉外景則對鄉之思將國之佳美人
明照言還猶京則慕歸思月千里思歸對歸鄉三

笙月詞卷之一

山陰王詒壽眉叔

菩薩蠻

繡囊香鎖鈿文箔
彈鬟卸了鴛釵碧
銀燭海紅紗
褰幃人似花
梨渦縈淺笑
翠被薰蘭早
譙鼓又三更
透簾斜月明

玉篝逗麝羅屏迴
隔窗嬌鳥呼人醒
鬆髻翠盤鴉
綠檀橫墮花
倚人香玉軟
日影銀紗半
春困尙朦朧
暈波雙縷紅

碧歛吹絮絲風悄
龍文玉掌梳妝巧
雙影照菱花
素雲

生淺霞 妝成添鳳餅麝煖房櫳靜繡樣畫芙蓉倩郎
調粉紅

迷藏懶逐檀奴戲研綾小譜紅牙理人倚杏花樓珠簾
半上鈎 雲藍雙袖小猶怯春寒峭殘炤柳棉飛銜香
燕子歸

法曲獻仙音

秋日偕孫鏡泉 寶森 丈至興教院禪喜竟日有

懷詩僧屯香 宏與 上人

徑款濃青門縈淨碧清絕白雲僧院窺竹簾疏韻花
小禪房最宜秋淺正烟裊迴廊外冰甌潑涼薜 閑吟

徧貝多牋綠梅詩卷

屯香手書梅
花詩留院中

悵當日廬山社蓮人

散徙倚舊經牀愛木樨一樹香倩聽徹齋魚好趁取菱
肥蕤軟待鐘聲相送十里蟾光湖面

虞美人

石門夜泊

阻風中酒心情惡往事思量著琵琶聲斷小樓空只有
三更街鼓五更鐘溫香吟徧消魂句誰作天涯侶起
來無語倚蓬窗月墮幾層烟水白茫茫

峭帆風裏眠難穩紅飈孤燈影不知今夜夢如何偏是
春來夜短醒時多打篷幾陣瀟瀟雨抵死將愁絮羅

金月記 卷一
衾偎徧枕函單又是柁樓人語說輕寒

菩薩蠻

寶帶橋作

烟波小舫平于屋畫衫掩冉鸚哥綠壓鬢一枝斜櫻桃
雙朵花紅橋迷柳絮瞥向花深去著眼未分明空聞
笑語聲

臺城路

泊陽羨有懷陳迦陵

惹花風軟吳波小來尋柳邊城邑絮撲虹橋苔鋪蝶路
簸簸落紅誰惜綠陰似織問燕子誰家髯仙舊宅一角

高樓夕陽曾倚紫雲笛 江邊鳥聲喚徹喚詞魂不醒
江影空碧我亦能狂公平何處踏徧春烟雙屐青帘林
隙且泥飲梨花醉眠壚側細雨飛來袖痕和酒溼

摸魚子

鳩茲送錫疇家叔旋里

悵江頭斜陽如夢烟痕釀就深暝輕裝出沒垂楊外飛
絮其人無定雲樹迴又添得銷魂別淚征衫瑩一帆遠
影想此去鄉關鏡湖春水鷗鷺迓歸艇 還重省料得
房櫳宵靜天涯定憶孤另白頭慈母憑相慰爲道行人
安穩關心聽聽隔岸鶉啼春已茶蘼近明朝酒醒怕旅

館風寒江南江北花落雨聲緊

金縷曲

臯磯靈澤夫人祠

野廟烟痕沍悵年年蒼苔玉座魚龍拜舞十萬明珠飛
急浪步障分明深護應記得劉郎前度歌吹江東花月
夜壓銀燈寶劍秋霜吐三分業那堪數 同歸辛苦江
關路更無端吳雲蜀雨一般笳鼓兒女英雄何限恨千
古濤聲猶怒看隱約靈旂飛渡霧鬢風鬟誰是伴只小
姑山影橫眉嫵天慘澹落霞暮

鷓鴣天

白鳩江至宛陵二百里水木明瑟墟落清曠寫
以二解

一路輕烟護短帆
幾叢疏樹點溪灣
斜陽渲出羅羅水
細雨妝成翦翦山
雲意懶櫓聲閒
柁樓鷗語送微寒
水荇花瘦秋灘靜
風起蜻蜓墮釣竿

溪畔誰驚白鷺羣
野翁支杖看溪雲
十家秋柳成村落
五尺殘荷掩寺門
茅屋外稻畦分田
孃漁婦盡紅裙
花梢一角書樓小
散髻兒童讀魯論

水調歌頭

八月十四夜登太白樓月色萬里振衣欲仙叩

闌浩歌山水俱應

萬里碧空淨舉酒倚危樓樓中謫仙已去古月影長留
我欲手持綠玉直上廣寒宮殿笑酌紫霞甌爛醉捉寒
兔騎作玉花虬天風起羣真集鶴翎乘雲何處汗
漫五岳縱清游安得凌風蹋臂一夜鏡湖飛渡照見鬢
毛秋拍手唱天姥怒鐵叫龍湫

清平樂

爲張別駕題畫冊

玉階苔繡燕啄雙紅豆架上銀鸚春也瘦還認烏巾否
曲瓊影閃胭脂可憐香細于絲小雨無人庭院櫻桃

過了花時

疏影

出宣州北門水石蕭瑟問梅堯臣故墅無知者
晚歸登謝元暉北樓倚檻乘興發此清響

林迴徑複趁碧天雨霽野色新沐粳稻香中吠蛤聲聲
筍鞦踏徧烟綠水西何處詩人宅但滿目疏花涼櫺更
斜陽雁背馱來紅寫幾家秋屋獨自行吟歸也孤雲
帶粉堞斜傍山曲卻被天風吹上危樓調徹腰間橫玉
餘霞如綺江如練悵五字新詩誰續漸暮笳飛滿江天
燈火依微林麓

念奴嬌

鳩茲江樓遠眺

臨風倚劒若悲吟驚起魚龍酣睡放眼乾坤多少恨消
得尊前一醉莽莽頽雲滔滔怒浪不盡英雄淚江山如
此伯符志業難遂遙想邊徼妖氛征西羽檄大合貔貅
隊落日黃沙鏖戰地白骨又添新鬼時粵賊滋事官軍屢戰不利
萬里提戈千金買馬擬刷焉支壘憑闌搔首一行秋雁
飛墜

前調

送張明府之官溧水是宋周美成作令地署中

姑射亭遺址尙存片玉所載隔浦蓮諸闕作令
時所譜也

臨流筵蓋向蔣山山外斜陽欲發舊是風流爲政地何
限水迴峰疊姑射亭荒浦蓮聲斷雲影浮空碧詞仙何
處落花風起如雪惆悵六百年來清真雅調已是成
消歇君去江城剛柳暗細雨啼鴉時節衙鼓宵閒訟堂
春靜笛語紅兒覓一聲清唱吟魂飛下涼月

菩薩蠻

曲瓊波影愁千疊無情征雁催人別殘照柳絲低船停
花步西歸期還預約玉筍垂紅頰門外是江流吳山